



ՀՈՒՆԵԼՅԱՐ ՀԱՅՐԱՊԵՏԸ





Խ Մ Բ Ա Գ Ր Ա Կ Ա Ն

ԳԱՆՆ ՈՒ ԳԱՀԱԿԱԼԸ

Մայր Աթոռում հոկտեմբեր ամսի 11—24 օրերին, համագգային շփով ու խանդավառ մթնոլորտում, հանդիսավորությամբ տոնվեց Նորին Ս. Սծություն Ամենայն Հայոց Վեհափառ Հայրապետի ծննդյան հիսնամյակը և գանակալության երրորդ տարեդարձը:

Վեհափառ Հայրապետի ծննդյան հիսնամյա և գանակալության երրորդ տարեդարձի բարեպատեն առիթով կատարված սրտաբուխ տոնակատարությունների մեջ Ազգն ու ժողովուրդը, Եկեղեցին և Հայրենիքը միացրել էին իրենց սերն ու հարգանքը դեպի Ս. Էջմիածինը և նրա արժանավոր Գանակալը:

Այդ ուրախ առիթով, հորեկյանական հանդիսություններին մասնակցելու համար, կրոնական և հայրենասիրական զգացմունքներով Մայր Աթոռ Ս. Էջմիածին էին ժամանել երկրագնդի բոլոր կողմերից հոգևորական և աշխարհական բազմաթիվ պատգամավորներ, ուխտավորներ և հյուրեր, միաժամանակ համբուրելու Լուսավորչի արժանավոր հաջորդի Ս. Ալբր, Հայրենի սրբազան Հոգը և ողջագուրվելու Մայր Հայրենիքում ապրող իրենց հարազատների հետ:

Մի անգամ ևս մեր նախնյաց ու ներկա Սրբություն Սրբոց Ս. Էջմիածինը, հայ քրիստոնյա մարդու լույսի և հավատի այդ անխորտակելի ամրոցը, իր սրբություններով, մեր ներկա պանծալի Մայր Հայրենիքը իր պատմական հուշարձաններով և այսօրվա պայծառ առօրյայով, որպես մագնիսական ուժ, հեռուներից բերել և Հայրենի հողի վրա և Ս. Էջմիածնի շուրջ համախմբել էին ողջ հայության տարբեր խավերի ներկայացուցիչներին:

Մայր Աթոռ ժամանած Կիլիկյան օրինական միաբանության պատվիրակությանը

գլխավորում էր անձամբ Կիլիկյան Աթոռի Տեղապահ ամենապատիվ խաղաղաբարեկամ Սեդրակյանը: Պատվիրակության կազմի մեջ էին Դամասկոսի առաջնորդ գերաշնորհ Տ. Շավարշ եպիսկոպոս Գույումեյանը, Կիլիկյան Աթոռի միաբաններ հոգեշնորհ Տ. Գենել ծայրագույն վարդապետ Ճերենյանը, Տ. Գյուլում և Տ. Կեռոզ արեղաները, Դամասկոսի Գավառական ժողովի ատենապետ պր. Ժիրայր Պոյանյանը:

Հորեկյանական հանդիսություններին անձամբ մասնակցում էին Սգիպատոսի հայոց առաջնորդ գերաշնորհ Տ. Մամբրե արքեպիսկոպոս Սիրունյանը և քեմական խորհրդի ատենապետ պր. Հովհաննես Քենյայանը, Հյուսիսային Ամերիկայի Արևելյան քեմի առաջնորդ գերաշնորհ Տ. Մամբրե արքեպիսկոպոս Գալֆայանը և Կենտրոնական վարչության ատենապետ պր. Նովանդ Աղանանյանը, Կալիֆոռնիայի քեմի առաջնորդ գերաշնորհ Տ. Բարգեն եպիսկոպոս վարժապետյանը, Ֆրանսիայի առաջնորդ և Արևմտյան Եվրոպայի Հայրապետական պատվիրակ գերաշնորհ Տ. Սերուբե եպիսկոպոս Մանուկյանը և Կենտրոնական վարչության ատենապետ մեքր Սեդրակ Քարյանը, Հրեղկաստանի և Մայրագույն Արևելի Հայրապետական պատվիրակ գերաշնորհ Տ. Ասողիկ եպիսկոպոս Ղազարյանը, Բաղդադի առաջնորդ հոգեշնորհ Տ. Զգոն ծայրագույն վարդապետ Տեր-Հակոբյանը, Հունաստանի առաջնորդ հոգեշնորհ Տ. Խանակ վարդապետ Ղազարյանը, Նուսադեմի Պատրիարքության Խրայելի ներկայացուցիչ հոգեշնորհ Տ. Բարգեն վարդապետ Ապատյանը, Հաբեշտանի հոգեւոր հովիվ հոգեշնորհ Տ. Զավեն արեղա Արզումանյանը, Ռումինիայի

հայոց բեմից՝ արժանապատիվ Ս. Իգնատիոս ավագ Բանանա Քրիստիանը և բեմական ժողովի ներկայացուցիչ պր. Հովհաննես Գալփախյանը և պր. Արամ Հակոբը, Հարավային Ամերիկայից՝ Սան-Պավոյից արժանապատիվ Ս. Նգելի ավագ Բանանա Վարդանյանը:

Ներքին բեմերից հանդիսությանց մասնակցում էին Վրաստանի բեմակալ գերազնորհ Ս. Կոմիտաս եպիսկոպոս Տեր-Ստեփանյանը, Արարատյան բեմի առաջնորդական փոխանորդ հոգեշնորհ Ս. Վահան վարդապետ Գալստիարյանը, Շիրակի բեմի առաջնորդական փոխանորդ հոգեշնորհ Ս. Հայրիկ վարդապետ Ավետիսյանը, Բաքվի բեմի առաջնորդական տեղապահ հոգեշնորհ Ս. Տիրալ վարդապետ Մարտիրոսյանը, Հյուսիսային Կովկասի և Նոր-Նախիջևանի առաջնորդ հոգեշնորհ Ս. Գարեգին ծայրագույն վարդապետ Տեր-Հակոբյանը, Մոսկվայի հոգևոր հովիվ հոգեշնորհ Ս. Նոյիշ վարդապետ Սարգսյանը, իրենց բեմական խորհուրդների հոգևորական և աշխարհական ներկայացուցիչներով:

Հորեկանական հանդիսություններին մասնակցող հյուրերի թվումն էին Լոնդոնից տեր և տիկին Նուպար և Մարի Կոպպենկյանները, տեր և տիկին Սարգիս և Աստղիկ Քյուրֆեյանները, Միլանոյից Նովանո Հյուսիսյանը, ղոկտ. Նովանո Արզումանյանը և նկարիչ Գրիգոր Շիրյանը, Ֆրանսիայից հարուստապետ Նովարո Ուրունյանը, մտավորականներ Արշակ Ալպոյանյանը, Հակոբ Տեր-Հակոբյանը, մեք Ջաչ Սեդրակյանը, Ասեն Կիտուր, Վահե-Վանյանը, տիկին Սիրան-Սեգա Քյուսիկյանը, Անդրանիկ Մանուկյանը, Գրիգոր Կյունյանը, Հովհաննես Յազընյանը և ուրիշներ:

Վրացական Օրթոդոքս եկեղեցու պատվիրակությանը գլխավորում էին գերաշնորհ Ս. Զինովի և գերաշնորհ Ս. Լիոնիդ եպիսկոպոսները:

Անդրկովկասի մուսուլմանների Կրոնական վարչության նախագահ Շեյխ-ուլ-Իսլամի ներկայացուցիչն էր Շեյխ Ռզայեր:

Հորեկանական այդ օրերը հանդիսացան համազգային ուրախության և ցնծության օրեր՝ Հայ եկեղեցու և հայ հավատացյալ ժողովրդի համար:

Հայ եկեղեցին և հայ ժողովուրդը ամեն տեղ, Գանգեսի ափին քե նեղոսի հովտում, հեռավոր Ամերիկաներում քե Մայրագույն Արևելքում, հյուսիսի ցուրտ երկնքի տակ քե հարավի ջերմ արևի ներքո, որդիական երախտագիտությամբ ճշեցին Վեհափառ Հայրապետի ծննդյան հիսնամյակը և զանակալության երոգդ տարեդարձը:

Այդ կրկնակի տոնախմբությունը մի անգամ ևս վերածվեց դեպի Ս. Էջմիածինը հայ

հավատացյալ ժողովրդի ունեցած սիրո, երախտագիտության, հարգանքի մի վառ ապացույցի:

Մեր ժողովուրդը իր հոգու բովանդակ ջերմությամբ սիրում է Ս. Էջմիածինը: Ս. Էջմիածինը անուն է, խորհուրդ է, պատգամ է, ոգեկանություն է, որը մարմնավորվում է, տեսանելի և շոշափելի է դառնում Ամենայն Հայոց Կաթողիկոսի բարձր անձնավորության մեջ, որով Ամենայն Հայոց Հայրապետը խորհրդանշան է հանդիսանում Հայ եկեղեցու հավերժության, անսասանության, սեր ազգային-եկեղեցական միասնականության:

Առաքել Դավրիժեցի հայրենասեր պատմիչը կարողացել է գեղեցիկորեն խտացել հայ ժողովրդի համար Ս. Էջմիածնի արժեքն ու պատմական նշանակությունը հետևյալ սրբաբանույ տողերի մեջ. «Ի վերայ Աշոյի և Էջմիածնի ամենայն Ազգն Հայոց կապեալ կան»: Արդարև, հազարամյակներ այդպես է հավատացել և ապրել հայ ժողովուրդը:

Ս. Էջմիածնի Ամենայն Հայոց Հայրապետության Արքուն ու Արքունակալը, Գահն ու Գահակալը հայ ժողովրդի զգացմունքների առաջ միաձուլվել ու կազմել են մի սրտառույ ամբողջություն, մի անսպառ աղբյուր ազգային-եկեղեցական արժանապատվության, հայրենասիրության, ներշնչման և կորովի: Ս. Էջմիածինը աստվածային պարզ և դարերի պատմությամբ նվիրագործված և խորապես արմատ ձգած հայ ժողովրդի հոգում:

Ս. ԷԶՄԻԱԾԻՆԸ ՀԱՅ ՀԱՎԱՏԱՑՅԱԼ ԺՈՂՈՎՐԴԻ ԽԵՂՃՆ Է, ԶԳԱՅՈՒՆ ՍԻՐՏԸ, ՊԱՏԻՎՆ ՈՒ ՊԱՐՄԱՆՔԸ:

1955 թվականի սեպտեմբեր ամսին, «կամօֆն Աստուծոյ և բնորոշեամբ Ազգիս», Ամենայն Հայոց Կաթողիկոս ընտրվեց Ռումի-նիայի և Բուլղարիայի հայոց առաջնորդ գերաշնորհ Ս. Վազգեն եպիսկոպոսը:

Նորընտիր Վեհափառ Հայրապետի ընտրությունը բովանդակ հայ ժողովրդի կողմից ընդունվեց անվերապահ հարգանքով, սիրով և սրտառույ միասնականությամբ: Նրա զանակալությունը հանդիսացավ մեր նորագույն ազգային-եկեղեցական պատմության բացահիլ և անմոռանալի տարեթվերից մեկը:

Նրեք տարիներ են անցել Վեհափառ Հայրապետի զանակալությունից, տարիներ, որոնք արդյունավետ են եղել հոգևոր, մշակութային, վաճառական-վարչական, շինարարական-կազմակերպչական ոգևորիչ և բեղմնավոր իրագործումներով:

Ավելի հուսադրիչ և պայծառ են հեռանկարները:

Այս բոլոր իրագործումներն ու ծրագրերը իրավունք են տալիս վստահությամբ և խորին համոզմունքով հայտարարելու, քե նորին Ս.

Օծուրյուն Ս. Տ. Վազգեն Ա. Ամենայն Հայոց Հայրապետի բարեբաստիկ գահակալությամբ մի նոր ու խոստումնալից էջ է բացվել Հայաստանյայց եկեղեցու հետագա կազմակերպման և հոգևոր վերագարքոնքի նախապահի վրա:

Անցնող երեք տարիների գործունեությունը ցույց է տվել, որ այսօր, հանձին Վեհափառ Հայրապետի, Հայաստանյայց Առաքելական եկեղեցին ունի իր գոհաբերվող, իր ազնվագույն հայրապետներից մեկին, որն իր պայծառ մտքով ու սրբազան հավատով, իր սուր ձեռներում է պահում Հայաստանյայց Առաքելական եկեղեցու գերագույն դեկավորությունը և արիաբար ու իր պարտի խորունկ գիտակցությամբ իր ուսերի վրա է կրում Ամենայն Հայոց Հայրապետության ծանր լուծը և այն կրում է խոր լավատեսությամբ, հավատով դեպի իր ժողովուրդը, եկեղեցին ու նրա պայծառ ապագան:

Այսօր բովանդակ հայությունը իր հայվածքը սևեռել է դեպի Ս. էջմիածին ու մեր պանծալի Հայրենիք՝ Սովետական Հայաստանը:

Մայր Հայրենիքում մեր պատվական, մեր հերոս, մեր տաղանդավոր ու աշխատասեր ժողովուրդը, իր խաղաղ աշխատանքով ու ֆրոնտով բուծում է անցյալ հազարամյակների իր վերերն ու ցավերը, փյունիկի նման հարություն առած մոխիրներից, և ֆարեր վերածում՝ հացի, լույսի և կյանքի, և Արարտի դիմաց, Արարատյան դաշտի սրտի վրա կերտում է ԱՄՆԱՅՆ ՀԱՅՈՅ ՀԱՄԱԶԳԱՅԻՆ ՍՈՒՐԲ ՕԶԱԽԸ, որպեսզի նա երբե՛ք, երբե՛ք չավերվի ու չփանդվի:

Իսկ էջմիածնում, մեր վերածաղկող Հայրենիքի ծոցում, Վազգեն Ա. Հայոց Հայրապետը, Լուսավորչի տեսիլով, Մահակ-Մեսրոպյան շնչով, Վարդանանց և Ղևոնդ-

յանց ոգով, մի անգամ ևս ԼՈՒՅՍ Է ԻԶԵՑՆՈՒՄ Ս. էջմիածնի ՀԱԶԱՐԱՄՅԱ ՔԱՐԵՐԻՆ ԵՎ ՇԻՆՈՒՄ, ՊԱՅԾԱՌԱՅՆՈՒՄ Է ՀԱՅ ՀԱՎԱՏԻ ԱՆՆՈՐՏԱԿՆԻ ՎԵՄ ՄԱՅՐ ԱՔՈՒ Ս. էջմիածնի:

Ահա քե ինչու ամեն մի փորձ, ամեն մի ձեռնարկ, որ նպատակ ունի բուրացնելու Ս. էջմիածնի հմայքն ու հեղինակությունը, ջլատելու նրա բարոյական ուժն ու հոգևոր հեղինակությունը, ազգադավ գործունեություն է, որն ընդհանուր ոչինչ չունի այս օրերին մեր ժողովրդի գերագույն շահերի հետ:

Որով Ս. էջմիածնի Դեմ, ԱՄՆԱՅՆ ՀԱՅՈՅ ՀԱՅՐԱՊԵՏՈՒԹՅԱՆ ԴԵՄ ՈՒՂՂՎԱԾ ԱՄՆԵՆ ՄԻ ՀԱՐՎԱԾ ՀԱՅՈՒԹՅԱՆ ՍՐՏԻՆ ԴԵՄ ՈՒՂՂՎԱԾ ՀԱՐՎԱԾ է:

Վեհափառ Հայրապետի ծննդյան հիսնամյակի և գահակալության բարեբաստիկ տարեդարձի առիթով ընծայված համագային մեծարանքի, սիրտ և հավատարմության արտահայտությունների մեջ կար նաև լինե, բայց միակամ դատապարտությունը բոլոր նրանց, որոնք շարունակում են համառել Ազգն ու եկեղեցին պառակտող իրենց տխուր աշխատանքի մեջ:

Ամենայն Հայոց Վեհափառ Հայրապետ Նորին Ս. Օծուրյուն Ս. Տ. Վազգեն Ա-ի ծննդյան հիսնամյակի և գահակալության երրորդ տարեդարձի առիթով բովանդակ հայության սրտագին մաղրանքն այն է, որ նրա Հայրապետական Գանը լինի անսասան ու հավերժական Մասիս սարի նման, նրա կյանքի օրերը լինեն անհատկում ու ֆաղցր՝ Արարատյան դաշտի անուշահամ մրգերի նման, իսկ նրա կյանքի արևը լինի պայծառ, լինի անմար՝ Արագածի կատարին շողացող Լուսավորչի անշեշ կանթեղի նման:

